

Elsa Krozendijk di SMAC:

“Mi ta pidi mi disculpa na tur esunnan afecta”

ORANJESTAD – “Mi ta pidi disculpa na tur esunnan afecta”, asina Elsa Krozendijk a declara durante un conferencia di prensa recientemente. Esaki en conexion cu e eror cu a wordo cometi durante e eleccion di reina infantil y hubenil diabierna ultimo.

Sra. Krozendijk a retira di e comision di organisacion di certamen di reina, sinembargo lo keda fungi como PR di Stichting Maneho di Aruba su Carnaval (SMAC). Desde cu a wordo otorga e organisacion di Aruba su carnaval, ora Stichting Arubaanse Carnaval a perde e caso contra gobierno, SMAC a haci hopi cambio. Un di esakinan a wordo mira bibo den e stadion di Aruba Entertainment Center durante e eleccion di Aruba su reinanan hubenil y infantil.

E pueblo cu ya tabata custuma na e echo cu e Prins cu Pancho ta saca e reina, a keda sorprendi ora e maestra di ceremonia a anuncia e ganado. Cu e Prins lo saca e reina y e Pancho lo saca e prome finalista y esaki lo pasa riba mesun momento. E competencia final a keda entre Jeanissa

Only in Aruba.... tog e ta bira algo historico! Can you beat this, Trinidad & Tobago?

Dos reina cu mesun sjerp bisti



Maduro cu tabata representa Popcorn Dancers y Keighley Loopstok representando Colegio San Antonio. Prome e Pancho a scoge sra. Maduro como prome finalista, bisti e su sherf. Esaki tabata nifica cu Prins a tuma sra. Loopstok y e lo ta reina hubenil di



Aruba. Despues, un silencio inmenso a cay den stadion ora cu a anuncia cu un eror a wordo cometi y e reina ta sra. Maduro.

municacion tin diferente version di locual a pasa. Pero Sra. Krozendijk ta conta Bon Dia Aruba, cu na final a yega na un empate.

E fout cometi
Riba diferente medio di co-

Y e hurado a desempata esaki eligiendo sra. Maduro como

reina. Ora di skirbi e resultado pa maestro di ceremonia, a skirbi Popcorn Club, sinembargo cu e nomber di sra. Loopstok su tras. Esaki kiermen cu e nomber no tabata cuadra cu e candidata pasobra sra. Loopstok tabata representa Colegio San Antonio.

Critica di pueblo

Riba medianan social pueblo a explota ora cu esaki a tuma luga. Aunke algun hende a comenta cu erornan por pasa. Hopi otro tabata pensa cu esaki tabata un 'berguensa' nacional y cu e no ta husto pa kibra un hoben asina riba television y dilanti un publico.

Colegio San Antonio cu a cuminsa celebra ora nan reina a wordo anuncia, pero hopi lihe a cay den un silencio y no por a kere kico a pasa. Sra. Loopstok a reacciona den un manera sportief y a brasa sra. Maduro, y a bolbe anima su scol, tuma e sherf di prome finalista y a sigui smile sin ningun problema.

Otro critica cu a bin dilanti ta con hopi e anochi a dura, mirando cu e reina a wordo saca alrededor di 12or y mey di anochi. Bon Dia Aruba cu tabata presente e momento di eleccion por a tuma nota cu e escenario tabata practicamente sin decoracion.

Durante e conferencia di prensa, sra. Krozendijk a conta cu nan tabata tin hopi dificultad cu e tempo di organisacion y pa e motibo ey no a logra cu entre otro e decoracion. Finalmente Sra. Krozendijk a bisa cu e ta tuma responsabilidad completo pa e fout cu a pasa na e momento di eligi reina. □

